

陰神一萬八千合為三萬六千此言人在胎中形炁變化至九月滿足身中萬神一時同生修其九轉聖胎具足萬炁齊仙亦復如是

九過為一徧一徧周竟三界舉名五帝友別稱為真人十徧通炁制御萬靈魔王保舉列上諸天百徧通神生致自然太一度符元君受生千徧通靈坐在立亡仙童玉女役使東西萬徧道備馳騁龍駕白日登晨

三界舉名天人交贊其德五帝者五方五炁之主友別者錄其善功視之如友別於常人也鍊身成炁謂之真人十徧通炁者道炁周流鬼神攝伏也魔王保舉初學道則魔王試之試而不退則保舉之登名天籍方成道也通神者變化無方坐致自然不假思為如能致六甲行厨之類是也太一度符太一乃百神之主符喻身中靈炁度人經云執籙把籍保命生根元君女仙之號人身炁之母也道德經云我獨異於人而貴求食于母千過通靈功夫純熟妙

用難測坐在立亡仙童玉女役使東西者守三一之法也上清明堂玄丹真經云若道士行太上召三一守形之法得與真人相見通靈微視坐在立亡役使六丁上帝給童女各十二人以侍左右至於萬過此

心與經混然為一可以乘雲駕龍遊寰太清登晨者昇舉乘炁之清存太一混合多用此時黃庭經曰羽服一整八風驅控駕三素登晨霞

洞玄靈寶自然九天生神章經註卷上

洞玄靈寶自然九天生神章經註卷中推二

華陽復注

元始天尊時靜處閑居偃息雲宮黃房之內七寶幃中熙夷養素空碧鍊真就咀洞惠俯研生神理微太混嘯朗九天

天尊閑居偃息養素鍊真靜中自適熙夷太和也空碧始青天炁也雲宮黃房七寶幃天宮粧嚴也咀研玩味也洞惠生神道者旨義也理微大混至理幽微不露端倪也嘯朗者舒嘯軒豁靈襟也

是時飛天大聖無極神王玉輔上宰四協侍晨清齋建節侍在側為憑瓊顏而妙感仰靈眸而開襟竊神章而踊躍飡天音而蒙生敢乘機而悟會真靈時而披心

神王上宰侍晨皆近臣四協與四輔同前疑後丞左輔右弼也清齋者虛心以待問建節者神王手持奉命用以徵召萬神瓊顏玉潔也靈眸靈眸言無所不照神王此時仰瞻天顏聞天音而慕神章豁然有悟因乘機冒于靈時披陳夙心有所請焉

於是飛天大聖無極神王前進作禮稽首而言上白天尊賤臣幸會得仰侍靈軒不以短狹叨濯冥津重悟疑玄位登神王總御生死領括天仙賞監七覺遠覽返方雍觀上宰對曰侍晨

神王欲請玉童先致詞於天尊自言不量短狹之才叨濯心垢於冥海之津重悟疑玄者深造玄玄也總御生死以下皆神王之職分也賞監七覺承帝命錫寵於學道之人也蕭真祐謂七覺者靈寶定觀經云學道之人有七候一者心得定易覺諸塵濁二者宿疾普消身心輕爽三者填補天損還年復命四者長生久視名曰仙人五者鍊形為炁名曰真人六者鍊炁成神名曰神人七曰鍊神合道名曰至人雍和也言職當雍和仰觀以事上宰若侍晨與之對司也

方當乘機應會履九太陽洞履陰符撫掌兆民大運將期數終甲申洪流蕩穢凶災彌天三官啟筆料別種人考算功過善惡當分

機者事之先會過也履行也九乃元陽洞通也符籙也言陽極陰生通履陰藉三官天地水也鼓動筆端分別人之平生善惡以降休咎種人蕭真祐云四梵天謂之四種氏天在二十八天之上三災之所不及也神王慈當時有洪水之厄故乘機請經宣揚道力以拯救之

自赤明以來至上皇元年依元陽王匱受度者應二十四萬人

赤明靈寶度人之時上皇神寶出書之時元陽乃紫微之宮九幽玉匱有明真料條紀人功過受度者皆為善之人開皇以後數至甲申諸天還序仙曹空廢官僚不充遊散職司皆應選人

開皇天上劫名在上皇之後定錄君曰昨東華集諸司命土地靈神典司之徒檢課簡錄見天下之人為善者少五十分中無一况為神仙者乎仙曹空廢無稱職者又遊散諸司亦皆怠惰考校有過者上仙降為下仙下仙照為地下主者俾其改悔勤

修仍復舊職昔上元夫人位至元君不動帝局躬著正事降過禮朝宴火節輕世天寶降授下真刑真皇之錄選紫虛之任以此見仙曹陞黜妻髮無差

依元陽王層當於三代吏料有心積善建功為三界所舉五帝所保名在上天者取十萬人以充其任又當別舉一十二萬人以充儲官

前云玉匱枝死鬼也此言玉層紀仙曹之職也三代祖宗積善也擇其奕世有功者充仙官之任儲者副貳之職如此之例或以宿名女圖此選仙官之例取名在上天者如司馬子微名在丹臺絳闕之類或骨像合仙

人稟天地之清炁生而不俗鶴頭龜背碧瞳雙蹙飄飄然抱度雲之姿所謂道林法器者是膺此選或以滅度因緣轉輪修行道未成而終曰滅度亦得還轉為仙

官音鄰仁安生於禪黎三日能言便知宿命年十二面有玉光棄家遊山林後滅度於北戎之阿復證果號丹靈老君是也  
或薦好三寶善功徹天

三寶道經師也教法存焉學者誦其言以明其道又能轉化未悟皆為好也又秘具藏經曰貪性寂滅塵累無染戒行不虧名曰法寶嗔性不起不憤外塵定無生轉是名師寶癡性無取無惱無患通無碍是名道寶貪嗔癡三毒消滅則三寶自見善功徹天矣

或供養師寶為三官所稱

師者所以傳道立教授經也自古仙聖無師不度至於常人學業亦因師以傳授可不敬信而供養乎服勤盡誠確遵教戒宜為三官稱舉

或修齋奉戒功德積感

齋者齊其思慮薄味全真戒者如靈寶九戒正一十戒之類奉持又久不怠以積功德李昌齡曰日用之謂功日新之謂德天

仙一千三百善日行一善只在四年地仙三百善行之只在一年但人多中道而廢不聞穿石禮樹之說乎紫虛元君曰昔傳先生自少好道人無山石室中積七年忽遇太極真人授以木鎖使之穿一磐石成

曰石透吾當度汝石厚五尺傳穿之不急積四十七年石忽透真人果來度之南嶽夫人曰昔有人勵志於道然不知求道之方唯日夕禮一枯樹如是二十八年樹忽生花有汁如蜜其人取花及汁吞服遂得長生噫木石無情尚能感通况修齋奉戒積功德以格高靈者乎

或施散財寶建立道堂

凡殖貨財貴能施賑否則為大盜積耳徒貽達者之笑建立道堂乃與初琳宇安奉尊像演說經教使人生善心妙法本相經云太玄紫虛真人悟前生造招賢集仙道館寫經萬卷常以齋食衣服供養不輟得為真人事載琅函誠不虛也  
或救卸窮乏載度天人

惻隱之心人皆有之何忍見窮乏而不救乎宜隨力量而卸之昔周惠化好布施雖窮困辛若不倦智觀真人化為丐者以驗其事周果樂施即日度為西華真人宋聖曆間梓州大饑佑聖真君化為一叟賣蒸

免蘇所活者衆建隆末河北路饑真君又化為商運粟麥十五萬斛入城商忽不見官取賑濟傍及鄰郡真君位登高真猶如此者一念好生之仁如天不息也又如黃兼濟糶粟不增元價紫府真君敬禮令坐木守張乘塵之上王士良羅米令釋者自量一言而降甘雨功行昭然吉人為善可不勉哉載度者若地之載物舟之度人也

或為三師建功充足天官有名

三師經籍度三師也立科範以濟度死生學者遵其遺法揚道化以立功行若積累充足天官書名矣  
考算簿錄三官相應皆逆注種名上下有別毫分無遺

三官分九官總二十七府百二十曹左陽

生官右陰死官左府青簿善功右府黑簿  
者過其有罪中涉福福中涉罪不專於一  
曹也或三年或九年或二十四年考其  
之期若三官文籍相同方法種名之數逆  
注者善未足亦注入

又九幽之府被東華青官九龍符命使按九  
幽玉皇男女死寬宿名有善功德滿足應受  
開度者取三十二萬人以充甲申驅除之後  
開大有之民

九幽之府九地九陰治死鬼處東華青官  
按黃炁陽精經云扶桑洞陽也主領生籍  
以九龍符命下九幽府選擇男女死寬當  
有善功者以受開度大有者著威也  
當此之時生死交會善惡分判得過者真為  
樂哉

分判別白善惡也為惡不免於殃作善召  
祥而無害豈不樂哉  
然三官相切文墨紛紜龍門受會為母督仙  
萬聖顯駕晝夜無間功過平等使生死無偏  
比之昏闇亦臣之憂矣大期既切勉事關替

恒恐一旦受罹公門

切磨也文墨紛紜簿書繁冗龍門在河東  
水會之處浮山真率謂為母水神也嘗於  
過去劫奉坤母之召於龍門制會河源仍  
以大風車於水中載學仙之人昇于岷嶠  
所謂督仙也萬聖千真察人善惡使生死  
皆當於公道神王不勝事煩恐有遺闕未  
免於憂

伏聞天尊造大慈之化垂憐蒼生開九天之  
奧以濟兆民明科有禁戒非賤臣所可參聞  
然大數有期甲申垂終運度促急大法宜行  
玉清修行四法以慈為先老氏三寶以慈  
為首聖人操而充之無一物不被其澤明  
真科戒傳經限期有定今神王請非其特  
者急於度人也

使有心者得於考算之中聞於法音開示於  
視聽勸化於未悟者也緣茲上陳懼觸天顏  
願見哀憫賜所未聞  
請經欲使有心學道而未悟者得需玄化  
進修善行免獲戾於三官也

於是天尊俯几高抗凝神遐想仰誦洞章肅  
誅琳琅良火忽然歎曰上苑虛漢理微太幽  
道達重玄炁冠神霄至極難言妙亦難超

俯几有接下之容高抗仰之彌高也凝神  
遐想有所思也仰誦洞章肅誅琳琅清響  
振激也上苑虛漢理微太幽道達重玄炁  
冠神霄者經之妙範至理虛曠幽遠其道  
則通貫衆妙其炁則舉自神霄神霄者九  
霄之一也領率諸天此言玉章有不可名  
言之妙詣經未有出其右者也

子既司帝位受任神王飛天翼於瓊闕四宰  
輔於明輪遐盼極覽領綜無窮雍和萬化撫  
料蒼生  
神王司位則為帝受任則為王三十九章  
注訣謂瓊闕太微之館實天帝玉宇也又  
云人間日月為明輪皆須神王翼贊而宰  
輔也此外雍和萬物生化遐盼極覽四方  
領綜事務非止一端

今大運啓期三五告辰百六應機陽九激揚  
洪泉鼓波萬災厲天四宮選舉以充種民三

代昏亂善惡宜分乎當勞心兆庶疲於三官  
興廢之際事須開能令以相委其勉之焉

此天尊普勉神王救民於洪水之中

寶善妙重九天靈音施於上聖非鬼神所聞  
明真有格四萬劫一傳今冒禁相付子秘之

矣慎勿輕傳

傳授靈章丁寧告戒如是之切可不謹與

登命九天司馬侍仙玉郎開紫陽玉芙蓉錦  
之靈出九天生神王章四輔列位五老監真  
太一命辰玉帝唱盟一依俯仰明真具與南  
向長跪以付飛天無極神王法事既畢諸天  
復位

登命不移時也侍仙玉郎典經之官紫陽

藏經之所玉芙蓉錦附經之靈四輔與四

協同五老玉清昊極元老虛皇靈光始老

玄華寶天真老靈眇太極祖老婆鬱洪京

仙老太一中黃太一命辰揮良辰也玉帝

高上玉帝也監真唱盟俯仰長跪皆明真

傳經之式

天尊重告飛天神王此九天之章乃三洞飛

玄之炁三會成音結成真文混合百神陽韻  
內名故大一戒觀攝生十方領會洞虛啓誓  
丹青

混合陰韻見前注王陽賢謂戒字當作試  
言嘗令太一之神試觀學道人若心不退

方許啓誓丹青傳授立成訣云昔受神經

人有試吾者無故以杖撻吾手血出吾猶

傾心信向之經法有試投之約未受之前

無故舉火燒其衣衣盡而猶不言方為不

退轉金玄羽書經載傳授之法皆五老啓

述太一試觀十方則試字誤作戎審兵六

洞之中以洞虛屬西然元始天尊令太一

攝生十方主攝生炁又兼死籍故云領會

洞虛也丹青者歌血為丹齋醮為青用以

効信立盟

自無億劫因緣宿名帝圖不得參見得勝為

目尤相同仙當採擇其人應為仙者七百年

中清齋千日齋金縷誓心依盟以傳慎之則

享祚漏之則禍臻享祚則福延九祖德重山

海招禍則考流億劫痛於毒湯風刀相刑可

不慎之焉

億劫因緣積累非一世也如許真君上升

時上帝詔云卿自多劫之前積修至道勤

苦備悉經緯逾深萬法千門罔不斯歷今

當昇舉即命左大力天丁與流金火鈴照

辟中黃無或散悻仍封遠祖許由為玉虛

僕射曾祖先祖父爵皆有等差然則宿名

仙籍桂陽有焉得勝為目九祖皆仙况誦

誦是經者乎今下士聞道則笑之惟其不

信故不得聞非道素絕於彼乃彼自絕於

道耳無他焉宿惡深重障隔善心故也五

帝內真經云得道之人自無仙骨刻名玉

書來生不得勝其篇自有得真文則為五

嶽宗師大洞經云凡修道者先解冥結故

云九祖同仙七百年出經之時也清齋千

日傳經之期也今體寶帛受經質信也玉

章秘於上天傳之不易受持者當嚴尊奉

以明茲典庶不負神王請經之初意也

洞玄靈寶自然九天生神章經注卷中